


金石文

七卷



下冊

東武劉氏味經書屋藏

金石文五卷目

魯相置孔子廟卒史碑

魯相晨孔子廟碑

魯相晨孔廟後碑

魯相造孔廟禮器碑

泰山都尉孔宙碑

司隸校尉魯峻碑

北海相景君碑

敦煌長史武班碑

執金吾丞武榮碑

荊州刺史度尚碑

桂陽太守周府君碑

衛尉衡方碑

酸棗令劉熊碑

淳于長夏承碑

西嶽華山廟碑


元儒先生婁壽碑

蕩陰令張君碑

堂邑令費鳳碑二

郎中鄭固碑

廬江太守范式碑




金石文第五卷

大明徐獻忠看詳

漢魯置孔子卒史碑

司徒臣雄司空臣戒稽首言魯前相瑛書
 言詔書崇聖道勉藝孔子作春秋制孝
 五經演易繫辭經緯天地幽讚神明
 故特立廟褒成侯四時來祠事已即去廟
 有禮器無常人掌領請置百石卒史一人
 典主守廟春秋饗禮財出王家錢給大酒
 直酒報謹問太常祠曹掾馮牟史郭元辭



對故事辟雍禮未行祠先聖師侍者孔子
子孫太宰太祝令各一人皆備爵太常丞
監祠河南尹給牛羊豕雞各一大司
農給來祠臣愚以為如瑛言孔子大聖則
象乾坤為漢制作先世所尊祠用衆牲長
吏備欲加寵子孫敬恭明祀傳于罔
極可許臣請魯相為孔子廟置百石卒史
一人掌領禮器出王家錢給大酒直他如
故事臣雄戒愚慙誠惶誠恐頓首頓首臣
死罪死罪臣稽首以聞制曰可元嘉三年

三月廿七日壬寅奏洛陽宮

元嘉三年三月丙子朔廿七日壬寅司徒

雄司空戒下魯相丞書從事下當用者選
其年四十以上經通一藝雜試通利能奉
弘先聖之禮為宗所歸者如詔書書到言
永興元年六月甲辰朔十八日辛酉魯相
平行長史事卞守長擅扣頭死罪敢言之
司徒司空府壬寅詔書為孔子廟置百石
卒史一人掌主禮器選年四十以上經通
一藝雜試能奉弘先聖之禮為宗所歸者

平扣頭扣頭死罪死罪謹案文書守文學
掾魯孔和師孔憲戶曹史孔覽雜試和春
秋嚴氏經通高第事親至孝能奉先聖之
禮為宗所歸除和補名狀如牒平皇恐扣
頭死罪死罪上司空府
讚曰魏魏大聖赫赫彌章相乙瑛字少鄉
平原高唐人令鮑壘字文公上黨屯留人
政教稽古若重規 乙君察舉守宅除吏
孔子十九世孫麟庶請置百石卒史一人
鮑君造作百石史舍功垂無窮于是始

漢魯相晨孔子廟碑

建寧二年三月癸卯朔七日己酉魯相臣
晨長史臣謙頓首死罪上尚書臣晨頓首
頓首死罪死罪臣蒙厚恩受任符守得在
奎婁周孔舊寓不能闡弘德政懽崇一變
夙夜憂怖累息屏營臣晨頓首頓首死罪
死罪臣以建寧元年到官行秋饗飲酒畔
宮畢復禮孔子宅拜謁神座仰瞻榱桷俯
視几筵靈所馮依肅肅猶存而無公出酒
脯之祠臣即自以奉錢脩上案食醞具以

叙小節不敢空謁臣伏念孔子乾坤所擬
西狩獲麟為漢制作故孝經援神契曰元
邱制命帝卯行又尚書考靈曜曰某生倉
際觸期稽度為赤制故作春秋以明文命
綴紀撰書修定禮義臣以為素王稽古德
亞聖代雖有褒成世享之封四時來祭畢
即歸國臣伏見臨辟雍日祠孔子以大牢
長史備爵所以尊先師重教化也夫封土
為社立稷而祀皆為百姓興利除害以祈
豐壤月令祀百辟卿士有益于民矧乃孔

子元德煥炳光于上下而本國舊居復禮
之日闕而不祀誠朝廷聖恩所宜特加臣
寢息耿耿情所思惟臣輒依社稷出王家
穀春秋行禮以供禋祀餘昨賜先生執事
臣晨頓首頓首死罪死罪臣盡力思惟庶
政報稱為效增異輒上臣晨誠皇誠恐頓
首頓首死罪死罪上尚書

昔在仲尼叶光之精大帝所挺顏母毓靈
承敝遭衰黑不代蒼周流應聘歎鳳不臻
自衛返魯養徒三千獲麟趣作端門見徵

血書著紀黃玉饗應王為漢制道審可行
乃作春秋復衍孝經刑定六藝象與天談
鈎河擿洛却揆未然巍巍蕩蕩與乾比崇
右漢魯相晨所上尚書奏章既乃作
銘立石讚頌孔子按其文云到官秋
享畢無公出酒脯之祠自用俸錢以
供禮祀于是乞王家錢穀於四時常
祭之外以備贍謁之祠又欲春秋時
祭依倣社稷而用辟雍大牢之禮可
謂賢矣然春秋報享禮節備而足矣

必于公謁備酒脯之祠不已太瀆乎
乃其所引孝經援神契尚書考靈曜
春秋元命苞假托孔子六經之名以
神讖緯之說謂帝卯赤制為漢受命
之符此其知孔子亦小也乃其文古
雅可錄碑刻之佳無是過矣

魯相晨孔廟後碑

相河南史君諱辰字伯時從越騎校尉拜
建寧元年四月十一日戊子到官乃以令
日拜謁孔子望見門廟式路虔跪既至升

堂屏氣拜手祇肅眉僂髣髴若在依依舊
宅神之所安春秋復度稽度元靈而無公
出享獻之 欽因春饗導物嘉會述脩辟
雍社稷品制即上尚書參以符驗乃敢承
祀餘胙賦賜刊石勒銘并列本奏大漢延
期彌歷億萬

時長史廬江舒李謙敬讓五官掾魯孔暢
功曹史孔淮戶曹掾薛東門榮史汶陽馬
琮守廟百石孔瓚副掾孔綱故尚書孔立
元世河東太守孔彪元上處士孔褒文禮

皆會廟堂國縣負冗吏無大小空府竭寺
咸俾來觀并畔宮文學先生執事諸弟子
合九百七人雅歌吹笙考之六律八音克
諧蕩邪反正奉爵稱壽相樂終日於稽肅
雍上下蒙福長享利貞與天無極
史君饗後部史仇誦縣吏劉耽等補完里
中道之周左墻垣壤決作屋塗色修通大
溝西流里外南注城池恐縣吏歛民侵擾
百姓自以城池道濡麥給令還所歛民錢
并史君念孔瀆顏母井去市道遠百姓酤

買不能得香酒美肉于昌平亭下立會市
因彼左右咸所願樂

又勅瀆井復民飭治桐車馬於瀆上東行
道表南北各種一行梓

殷夫子冢顏母井舍及魯公塚守吏凡四
人缺與佐除

漢魯相造孔廟禮器碑

惟永壽二年青龍在涖灘霜月之靈皇極
之日魯相河南京韓君追惟太古華胥生
皇雄顏育寶俱制元道百王不改孔

子近聖為漢定道自天王以下至於初學
莫不駭思嘆印師鏡顏氏聖舅家居魯親
里升官聖妃在安樂里聖族之親禮所宜
異復顏氏升官氏邑中發以尊孔心念
聖歷世禮樂陵遲秦項作亂不尊圖書倍
道畔德離敗聖與食糧止于沙邱君子是
造立禮器樂之音符鐘磬鼓瑟雷洗觴觶
爵鹿相桓遵於禁壺修飾宅廟更作三輿
朝車威熹宣杼玄汙以注水流法舊不煩
備而不奢上合紫臺稽之中和下合聖制

事得禮儀於是四方士人聞君風耀敬咏
其德尊琦大人之意連彊之思乃共立表
石紀傳億載其文曰

皇統華胥承天畫卦顏育空桑孔制元
孝俱祖紫宮太一所授前門九頭以什言
教後封百王獲麟未吐制不空作成人之
語乾元以來三九之載八皇三代至孔乃
備聖人不世期五百載三陽吐圖二陰出
讖制作之義以俟知於穆韓君獨見天
意復聖二族連越絕思脩造禮樂瑚璉器

用存古舊宅懸勲宅廟朝車威熹出誠造
漆不水解工不畧賈深除玄汙水通

注禮器升堂天雨降澍百姓訢和舉國蒙
慶神靈祐誠竭敬之報天與厥福永享年
壽上極華紫旁伎皇代刊石表銘與乾運
耀長期蕩蕩於盛復授赫赫罔窮聲垂億
載

此文多雜讖緯盖光武以赤伏符即
位而緯說競興乃多托之春秋尚書
孝經之名以為盡皆孔子之神聖也

魯人相承以為孔子固神聖能前知
如此故其文不得不推而附之然也

漢泰山都尉孔宙碑

君諱宙字季將孔子十九世之孫也天姿
純嘏齊聖達道少習家訓治嚴氏春秋緝
熙之業既就而閨闈之行允恭德音孔昭
遂舉孝廉除郎中都昌長祗傳五教尊賢
養老躬忠恕以及人兼禹湯之罪已故能
興朴彫獎濟弘恭于易簡三載考績
遷元城令是時東嶽黔首猾夏不靖竊弄

祠兵遺畔未寧乃擢君興戎以文脩之旬
月之間莫不解甲服罪禱田峻喜

于荒圃商旅交乎險路會鹿盟于樂崩復
長幼於酬酢稔會遭篤病告困致

休得從所好年六十一延熹六年正月乙
未疾遺速朽之及真慕寧儉之遺

則窀夕不華明噐不設凡百印高

述於是故吏門人乃共陟名山采嘉石勒

銘示後俾有彛式其辭曰

於顯我君懿德惟光語聖作儒身立名彰

貢登王室閭 是更夙夜 在公明明
 乃綏二縣黎儀以康於天時靡撫茲岱方
 並彼凶人覆俾 南畝孔饒山有夷行
 豐年多黍稱彼兕觥帝賴其勲民斯是皇
 疾 乃委其榮忠告慤勲屢省乃聽
 恭儉自終簞簋不陳生播高譽沒垂令名
 永矢不刊億載揚聲延熹七年七月戊
 造

漢司隸校尉魯峻碑

君諱峻字仲嚴山陰昌邑人其先周文公

之碩胃魯公伯禽之懿孫以載子祖考之
 銘也君則監營謁者之孫脩武令之子體
 純和之德秉仁義之操治魯詩兼通顏氏
 春秋博覽羣書無物不看學為儒宗行為
 主表漢 始任佐職牧守敬恪恭儉洲里
 歸稱舉孝廉除郎中諸者河內太守丞喪
 父如禮羣司徒府舉高第侍御史東郡頓
 邱令視事四年比縱豹產化行如流遷九
 江太守舍殘酷之刑行循吏之道統政三
 載穆若清風有黃霸召信臣在穎南之歌

以公事去官休神家術未能一暮為司空
王暢所舉徵拜議郎太尉長史御史中丞
延熹七年二月丁卯拜司隸校尉董督京
輦掌察郡 蠲細舉大權然䟽發不為小
威以濟其仁 弼中獨斷以效其節案奏三
公彈紕五卿華夏祇肅佞穢者遠遭母憂
自乞拜議郎服竟還拜屯騎校尉以病遜
位守䟽廣止足之計樂於陵灌園之潔閑
門靜居琴書自娛年六十一熹平元年
月癸卒明年四月庚子葬於是門生汝南

干 沛國丁直魏郡馬萌勃海呂圖任城
吳盛陳留誠屯東郡夏侯弘等三百廿人
追惟在昔游夏之徒作謚宣尼君事帝則
忠臨民則惠乃昭告神明謚君曰忠惠父
息獻不才弱冠而孤承堂弗構析薪弗何
悲慕莪之不報痛昊天之靡嘉 企有紀
能不號嗟刊石叙哀其銘曰
巖巖山岳礪落彰軟棠棠忠惠令德孔嫺
命 時生雅度弘綽允文允武厥姿烈遠
內懷溫潤外撮強虐督司京師穆然清邈

當 緄職為國之權匪究南山遐邇切惻
凡百君子欽謚嘉樂永傳童齡煥矣灼灼

漢北海相景君碑

惟漢安二年仲秋 日故北海相任城景
府君卒嗚呼哀哉國維殞寶英彥喪儔列
宿虧精晚學後時于何穹蒼布命授期有
生有死天寔為之豈夫仁哲彼克不遺於
是故吏諸生相與論曰上世羣后莫不流
光芒於無窮垂芬耀於書篇身歿而行明
體亡而名存或著像於列圖或繫頌於管

弦後來詠其德竹帛叙其勲乃作誄曰伏
惟明府受質自天孝弟淵懿師禮蹈 根
道核藝抱淑守貞晶白清芳克已治身實
柔實剛乃武乃文遵考孝謁假階司農流
德元城興利惠民強禦改節微弱蒙恩威
立澤宣化行如神帝嘉厥功授以符命守
郡益州路遐戀親躬作遜讓夙宵朝廷建
英忠謹拜秩東衍璽追嘉錫據北海相部
城十九鄰邦歸向分明好惡先以敬讓殘
偽易心輕黜踰竟鵠臬不鳴分子還養元

元鰥寡蒙祐以寧蓄道修德祉以榮紛
紛令儀明府體之仁義道術明府膺之黃
朱邵父明府三之台輔之任明府宜之以
病被徵委任致仕民黎思慕遠近搔首農
夫釋耒商人空市隨輦飲淚柰何朝廷奪
我慈父去官未旬病乃困危珪璧之質臨
卒不回歔唏實絕奄忽不智孝子慟悞顛
倒剝推遂克寤永潛長歸州里鄉黨隕
涕奔哀故吏招坦歔歎徘徊四海冠蓋驚
慟哀懷大命有期實惟天付明主設位明

府不就臣子欲養明府弗留嗚呼哀哉亂

曰考積幽宥

兮

翔議郎

兮再命虎將綏元元兮規英桀謨主忠信

兮羽衛藩屏撫萬民兮

思

兮宜參輔幹禎兮不永麋壽棄臣子

兮仁敷海外著甘棠兮石勒銘不忘

兮

漢敦煌長史武班碑

建和元年太歲在丁亥二月辛巳朔二十

三日癸卯長史同

敦煌長史武君諱班字宣張昔殷王武丁
久伐鬼方元功章炳勲藏王府官族分析
因以為氏焉武氏蓋其後也適周遐邇歷
世曠遠不隕其美漢興以來爵位相踵
朝忠臣君幼 顏閔之 質長敷游夏之
文學慈惠寬 孝友玄妙苞羅術藝貫通
聖 博兼 耽綜典籍 純求福
不回清聲美行門形遠近州郡貪其高賢
請以 歲舉 翼紫宮 詔除
光顯王室有 於國帝庸嘉之常司古

領校祕鄭研 幽微追昔劉向辯賈之徒
比 萬矣時戎 匡正一 朝廷惟
憂 有司 舉君班到官之日 癘
吏士哮虎之怒薄伐

並百姓賴之邦域既寧久勞于外當還
本朝以敘左右以永嘉元年 月 日遭
疾不 哀 於是今鄉長河間高陽史恢
等追惟昔日同歲郎署感 為自古在昔
先聖與仁 興替 人存生榮死哀
是 萬年伊宮遺德 孔之珍故 石銘

碑以旌明德焉其辭曰
於惟武君允德允恭受天休命積祉所鍾
其在孩提岐嶷發蹤謙守約唯誼是從
孝深凱風志潔羔羊樂是
孽孽臨川闕見墻庶仰其首微妙玄通
然清

助大和萬民蒙顯宗史官書功昊

天上帝降茲鞠凶晷忽祖逝

享考大命百遺惟后帝感傷學

夫喪師士女悽愴表金門令問不忘垂

復昆萬載歎誦

尚書丞沛國蕭曹芝宣城武令中山安

熹曹种豐令下邳良成徐崇故

陳留府丞魯國魯防東長齊國

臨菑祀伯允書此碑嚴祺字伯魯

漢執金吾丞武榮碑

君諱榮字含和治魯詩經韋君章句幘

傳講孝經論語漢書史記左氏國語廣學

甄微靡不貫綜久遊太學藐然高厲鮮於

雙匹學優則仕為州書佐郡曹史主簿督

郵五官掾功曹守從事年世六汝南祭府
君察舉孝廉 郎中遷執金吾丞遭孝

桓大憂屯守玄武感哀悲慟如遇害氣遭
疾隕靈 君即吳郡府卿之仲子

燉煌長史之次第也廉孝相承奕世載德
不忝 命 不竟台衡蓋觀德於

始述行於終於是刊石勒銘垂示無窮其
辭曰

天降雄彥資才卓茂仰高鑱堅允文允武
內 三署外 師旅 勒屯守舊威 武

旗絳天雷震雷舉敷耀赫然陵惟哮虎
當遂股肱 之元輔天何不吊降此 各

瘳平我君仁如不壽爵不副德位不稱功
感懷傷愴遠近哀同身歿 萬世諷誦

漢荆洲刺史度尚碑

君諱尚字博平其先出自顓頊與楚同姓
熊巖之後 亦世掌位統國法度秦兼天

和之純質素黃中之政性智含洲數仁
隆春煖義高秋雲竹潔冰霜慷慨壯厲臨

休譽固已著矣及其典牧必招振賢才

抽拔幽逸選召所任極當世之秀士養民
有令聞彌宗暉光日新可謂盛德者已
初奉歲計拜即中除上虞長立化潛洞百
姓數縣恩信並宣令行禁止以從父憂
去官更舉孝廉為右校令是時南蠻蠢動
擢拜醜殊俗賓服遠人用綏封右鄉侯
遷遼東太守旬月之間歲貉寧輯會揚賊
畔於拜中郎將料敵制勝威謀合神特
重優于營平深入則輕冠軍附士渥於李
廣御衆同滋味必達井辨幕然後飲舍

惠以厚下說以犯難是故所征輒克師徒
無頽冠殄殪干戈載戢走馬以糞朝會
厥後復拜荊州刺史以故秩居冊書慰荐
因賜之荆域號慕雖周人之思召伯弗
此踰也於是故吏感清廟之頌歎斯父之
詩乃曰於維我侯允懿允明文武是該
克忠克貞粵初發藻在彼上虞邁種厥德
矣匪祿是榮無言不離帝揚厥聲俾作
配徃撫于荆撫荆惟何南夏是邦家
截彼海外績莫匪嘉天生我侯寔為民望

心乎其愛四方是印如何不永而不死
芳烈遺兮

永康元年歲在鶉尾龍集丁未時維歲

漢桂陽太守周府君碑

桂陽太守周府君者徐州下邳人也諱暉
字君光體性敦仁天姿篤厚行與閭閻名
州里舉孝廉拜尚書侍郎選汝南固始
相遂拜桂陽乃宣魯衛之政敷二南之澤
以德綏化猶風騰撫集烝細綏有方進

則貞直退則錯枉崇舉濟濟吉士充朝招
訓蒙開誘六蔽君子道長小人道消信
感神祇靈瑞符嘉穀生於野竒草像

靜異根之樹超然連理於此時邦域惟

寧郡又與南海接比商旅所臻自瀑亭至

乎曲江壹由此水其水源也出於王禽之

山山蓋隆于天泉肇深踴發射其

顛分流離散為十二川彌陵隄阻邱阜錯

連隅陬壑逼末由騁焉爾乃貫山鑛石經

揚爭怒浮沈潜伏地龍蛭屈澧

降鬱泥千渠萬澮合聚谿澗下迄安六
瀧作難湍瀨木由注汙潺湲雖詩稱百川
沸騰高岸為谷深谷為陵蓋莫若斯天軌
所經惡得已改其下注也若奔車失轡狂
牛無縻言勿荒勿臚睦不相知及其上也
則群輩相隨檀椀提唱號慷慨沈深不
前其成敗也非徒喪寶玩隕珍奇替珠貝
流象犀也往古來今變甚終矣於是府君
乃思夏后之遺訓應龍之畫傷行旅之
悲窮哀人困厄感蜀守冰珍絕犂堆嘉

夫昧淵永用夷易迺命良吏帥壯天排
頽石投之窾高填下鑿截回曲弼水
之邪性順導其經脉斷硠溢之電波弱陽
侯之汹涌由是小蹊乃平直大道允通利
抱布貿絲交易南至升涉周旋功萬於前
除昔樹塞於茲雖非龍門之鴻績亦
人君之德宗故船人嘆於水渚行旅語於
塗陸孔子曰禹不決江踈河吾其魚矣於
是熹平三年歲在攝提仲冬之月曲江長
零陵重安區祉宇景賢遵承典憲宣揚德

訓帥禮不越欽仰高山乃與邑子故吏龔
亭郭蒼龔雄等命工擊石建碑于瀧上勒
銘公功傳之萬世垂示無窮其辭曰
乾坤剖兮建兩儀剛柔分兮有險夷咨中
嶽兮稜崖鬼嘆衡林兮獨傾虧增陵峭兮
甚阻崎鮫莫涉兮禹不規仰王金兮又蕪
崦俯瀧淵兮怛以悲岸參天兮無路蹊石
縱橫兮流洄洄波隆隆兮聲若雷或拖貨
兮以從利或追恩兮有赴義汜自楫兮有
不避躬軀兮於玄池委性命兮於芒緇

憺寒慄兮不皇計忽隨流兮殆忘歸懿賢
后兮聖發英閉不通兮治斯谿履臣石兮
以湮填開切兮導曲機摧六瀧兮弱
兮散其波威怒定兮混瀾瀾息
聊啾兮 遊兮蛟龍藏睦老唱
兮臚人歌名冠世兮超踰倫今稱兮耀
流沙功斐斐兮鏡海裔君乎君壽不訾

漢衛尉衡方碑

府君諱方字興祖肇先蓋堯之苗本姓
則有伊尹在殷之世號稱阿衡因而氏

馬 上家于平陸君之烈祖少以儒

術安貧樂道履該顏原兼脩季由聞斯行

諸砥仁礪 土階夷愍之貢經常

伯之賓位左馮翊先帝所尊垂名竹帛考

廬江太守兄鴈門太守 孝長發其

祥誕降于君天資純懿昭前之美少以文

塞哀寵允元長以欽明耽詩悅書

秋仕郡辟州舉孝廉除郎中即邱侯相膠

東令遵尹鐸之道保部二城參國起按班

叙 本肇末化速郵置州舉尤異選

會稽東部都尉將繼南仲邵虎之軌飛翼

軫之旌操參 綏來王之蠻會喪大

夫感倍人之凱風悼慕莪之劬勞寢閣苦

仍 上言倍榮向哀札服祥除徵議郎

右北平太守尋李廣之在邊恢魏絳之和

戎戎戢土佚費省巨億懷 靜有

績遷潁川太守脩清滌俗招掖隱逸光大

茅茹國外浮 淡界繆動氣泄狂

歸來洙泗用行舍藏徵拜議郎遷太

醫令京兆尹舊都餘化詩人所詠並有也

新君

隆寬慄鵠火光物隕霜剝

姦振滯起舊存亡繼絕恩降乾太威肅剝

坤本朝錄功入登衛翼紫宮夙夜惟

寅委蛇在公有單襄穆典謨之風詔試選

賢良招先逸民君務在失順其文舉已

政者退就勅巾永康之末君衛孝桓建

寧初政朝用舊臣留拜步兵校尉處六師

之帥維時假階將授袞職受任決旬奄離

寢疾六十有三建寧元年二月五日癸丑

卒詔遣使弔賻禮百賓臨會莫不失

聲其年九月十七日辛酉葬蓋雅頌興而

清廟肅中庸起而祖宗故仲尼既歿諸

子綴論斯干作歌用昭于宣以旌德銘

以勒勲於是海內門生故吏采嘉

石樹靈碑鐫茂伐祕將來其辭曰

峩峩我君懿烈孔純高朗神武歷世忠孝

馮隆鴻軌不忝前人寬猛不主德義是經

韜綜頤溫故前呈攬英接秀踵迹晏平

初據百里顯顯令聞濟康下民曜武南會

邊民是鎮惟憂及退身來議帝室

剖符守藩北靖

有聲旋守中嶽

攸寧克長克君不虞不陽維允耀

聲香能哲能惠剋亮天功入統

光光法言稽古道而後行兢兢業業素絲

羔羊閭閻侃侃顯顯昂昂何規履架金玉

其相騫騫王臣群公憲章樂只君子

無疆銘勒金石

萬世

是傳

漢酸棗令劉熊碑

君諱熊字孟廣陵海西人也厥祖天皇

大帝垂精接感篤生聖明仍其則子孫

亨之兮源而流枝葉扶疏出王別肩受爵

列土封侯載德相繼丕顯光

武皇帝之玄孫廣陵王之孫俞鄉侯之季

子也誕生昭明岐嶷踰絕長柴

守約履勤體聖心敷敦五經之緯圖無古

業覈其妙行脩言道宜京夏莫

不師邛六籍五典如源如泉既練州郡卷

舒委隨忠貞效官出省揚土流

化南城政猶北辰衆星所從三祀有成來

臻我邦循東之惠抑禮官賞進厲頑
約之以禮博之以文政教始初慎徽五典
勤恤民艱心顧下仁恩如冬日威
烈猛炎夏貪究草情清修勸慕德惠潛流
邇芳旁布尤愍懸濟濟之儀攸攸之踰
帥厲後學致之雍泮草上之風莫不嚮應
悅誨日新砥素七業勃然而興咸居
今而好古雖未盡善必有所由處民之秉
彝寔我劉父其人魯無君子斯焉取旃允
我劉父言善誘人謂禮習聆匪徒豐學屢

獲有年載充成神民協欣而不相傷故
德交歸焉自古在昔先民有作決勲則甄
盛德刻表諸來世垂之罔極褒賢表善
揚幽拔微式序在位量能授宜官無曠事
為正以卒為更愍念烝民勞苦不均
為作正彈造設門更富者不獨逸樂貧者
順四年積和感暘歲為豐穰賦稅不煩
寔我劉父吏民爰若慈父畏若神明悔
令德清越孤竹德牟產竒誠宜褒顯昭其
憲則乃相咨度諏詢采摭謠言刊

三章其辭曰
 清和穆鏢寔惟乾
 惟嶽降靈篤生我君
 服骨獻聖允鍾厥醇
 誕生岐嶷言協墳
 懿德震耀孝行通神
 動履規繩文章彪
 績成是正服以道德
 民有父子然後有君
 臣理財正辭東帛
 戔戔夢刻像鶴鳴一
 震天臨保漢寔生
 勳明試賦授夷夏已
 親嘉錫來撫潛化如
 神其神伊何靈不傷
 人猗歟明哲秉道之
 樞養之福能德之偶

淵乎其長煥乎成功
 暇民豫新我通
 用行則達以誘我邦
 賴茲劉父用說其
 澤今年豐黔首歌頌

淳于長夏承碑

君諱承字仲克東萊府君之孫太尉掾之
 仲子右中郎將弟也累葉牧守印綬與據
 十有餘人皆德任其位名豐其爵是故寵
 祿傳於歷世策勲著於王室君鍾其美受
 性淵懿含和履仁治詩尚書無覽羣藝靡
 不尋暢州郡更請屈已匡君為主簿督郵

五官掾功曹上計掾守令冀州從事所在
執憲彈繩糾枉忠潔清肅進退以禮允道
篤愛先人後已克讓有終察孝不行大博
胡公歆其德美旌招俯就羔羊在公四府
歸高除淳于長到官正席流恩褒善糾姦
示惡旬月化行風俗改易輶軒六轡飛躍
臨津不日則月皓矣不吊殲此良人年五
十有六建寧三年六月癸巳淹疾卒官嗚
呼痛哉臣隸辭踊悲動左右百姓號咷若
喪考妣孩憤泣切怛傷摧勒銘金石惟以

以告哀其辭曰
於穆皇祖天挺應期佐時理物紹縱先軌
積行勤約燕於孫子君之羣戚並時繁社
明明君德令問不已高山景行慕前賢列
庶同如蘭意願未止中遭冤友不終其紀
夙世實祚早喪懿寶拖器幽潛永歸蒿里
痛矣如之行路感動儻魂有靈垂後不朽

漢西嶽華山廟碑

周禮職方氏珂南山鎮曰華謂之西嶽春
秋傳曰山嶽則配天乾坤定位山澤通氣

雲行雨施既成萬物易之義也祀典曰日月星辰所招仰也地理山川所生殖也功加於民祀以報之禮記曰天子祭天地及山川歲徧焉自三五迭興則奉山川或在天子或在諸侯是以唐虞疇咨四嶽五歲一巡狩皆以四時之中月各省其方親至其山柴祭璠燎夏商則未聞所損益周鑿於二伏十有二歲王巡狩殷國亦有事於方嶽祀以圭璧樂奏六歌高祖初興改秦淫祀大宗承循各詔有司其山川在諸侯

者以時祠之孝武皇帝修封禪之禮思登假之道巡五嶽禮祀豐備故立宮其下宮曰集靈宮殿曰存僊殿門曰望僊門宗之世重使使者持節祀焉歲一禱而三祠後不承前至於七新寢用邱墟訖今垣趾營北猶存建武之元事舉其中禮從其省但使二千石以歲時往祠其有風旱禱請祈求歷不報應自是以來百有餘年有事西巡輒過享祭然其所立碑石刻紀時事文字摩滅莫能存識延熹四年七月甲子弘

農太守安國亭侯汝南袁逢掌華嶽之主
位應古制修廢起頓閔其若茲深達和民
事神之義精通誠至初祭之福乃案經傳
所載原本所由銘勒斯石垂之於後其辭
曰

巖巖西嶽峻極穹蒼奄有河朔遂荒華陽
觴石興雲雨我農桑資糧品物亦相瑤光
崇冠二州古曰雖梁馮於豳岐文武克昌
天子展義巡狩省方 王之贄禮與岱亢
六樂之變舞以致康在漢中藥建設宇堂

山嶽之守是秩是望侯惟安國無命斯章
尊修靈基肅共壇場明德惟馨神歆其芳
過襍凶札孳歛吉祥歲其有年民說無疆
袁府君肅恭明神易碑飾闕會遷京兆尹
孫府君到欽若嘉業遵而成之延熹八年
四月廿九日甲子就袁府君諱逢字周陽
汝南汝陽人孫府君諱琛字山陵安平信
都人時令朱頡字宣得甘陵郃人丞張昉
字少游河南京人佐尉唐佑字君惠河南
密人主者掾華陰王萇字德長

京兆尹勅監都水掾霸陵杜遷市石遺書
佐新豐郭香察書刻者潁川邯鄲公修蘓
張工古君

漢立儒先生婁壽碑

先生諱壽字元考南陽隆人也會祖父脩
春秋以大夫侍講至五官中郎將祖父太
常博士徵朱爵司馬親父安貧守賤不可
營以祿先生童孩多音歧寔有志梳髮傳
業好學不厭不修廉隅不飾小行溫然而
恭慨然而義喜與人交久而能敬榮且溺

之耦耕甘山林之杳藹遁世無悶恬佚淨
漠遲後衡門下學上達有朋自遠冕紳莘
莘朝夕講習樂以忘憂郡縣禮請終不回
顧高位厚祿固不動心鹿麕絺大布之衣糲
糲蔬菜之食蓬戶茅宇捲櫪瓮牖樂天知
命確乎其不可拔也是以守道識真之聖
培高尚其事鄉鄙州鄙新受懷年七十
有八熹平三年正月甲子不祿國人乃相
與論德處謚刻石作銘其詞曰
皇矣先生惟德惟明優於春秋立嚳有成

知賤為貴與世無爭遲德衡門禮義滋醇
窮不 苟知我者天身沒聲為千載作珍
繇之日月與金石存

漢蕩陰令張君碑

君諱遷字公方陳留已吾人也君之先出
自有周周宣王中興有張仲以孝友為行
披覽詩雅煥如其祖高帝龍興有張良善
用蕭何在帷幙之內決勝負千里之外折
於留文景之間有張釋之建忠弼之謨帝
遊上林問禽獸所有苑令不對更問嗇夫

嗇夫事對於是進嗇夫為令令退為嗇夫
之議為不可苑令有公卿之方嗇夫喋喋
小吏非社稷之重上從言孝武時有張騫
廣通風俗開一畿寓南苞八蠻西羈六戎
北震五秋東勒九夷荒遠既殞各貢所有
張氏輔漢世載其德爰既且於君蓋其續
總纘戎鴻緒收守相係不殞高問孝弟於
家中騫於朝治京氏易聰麗權略藝於從
畋少為郡吏隱練職位常在股肱數為從
事無細聞徵拜 中除穀城長螯月之務

不閉四門臆正之際休囚歸賀八月其民
不煩於鄉隨就虛落存恤高年路不拾遺
黎種宿野黃巾初起燒平 市斯縣獨全
子賤孔蔑 道區別尚書五教君崇其
寬詩云愷悌君隆其恩東里潤色君垂其
仁邵伯兮陝君懿於棠晉陽珮建西門帶
弦君之體素能雙其勛流化 基遷蕩陰
令吏民胡顏隨送如雲周公東征西人怨
思奚斯讚魯孝父頌段前詰遺芳有功不
書後無述焉於是刊石整表勒銘萬載三

代以來雖遠猶近詩云舊國其命惟新
於穆我君既敦既純雪白之性孝友之仁
紀行來本蘭生有芬克岐有兆綏御有勛
利器不覲魚不出淵國之良幹垂愛在民
蔽芾棠樹溫溫恭人乾道不繆唯泚是親
既多受祉永享南山千祿無疆子子孫孫
惟中平三年歲在攝提二月震節紀日上
旬陽氣厥耕感思舊君故吏韋萌等僉然
同聲僨師孫興刊石立表以示後昆共享
天祚億載萬年

漢堂邑令費鳳碑

惟熹平六年歲格於大荒無射之月堂邑
令費君寢疾卒嗚呼哀哉於是夫人元弟
故守卜循追而誅之其辭曰
君體履柔和温如其玉修孝友乎閨闈執
忠謇於王室立迹州郡仕更右職舉直措
枉強禦貸貢孝三署勳譽則有出宰近
甸民懷厥德色斯輕翔翻然高潔玉人迷
職兮班爵台招助鼎調物退已進
弟不營榮祿栖遲歷稔項領滯畜鄣土不

庭黔民作

命君

政化

行逆善遷惡三暮致道

有恥且格文守旌功轉在堂邑垂拱不言
而民帥伏三時之間卒以洽昊天不弔
命也早歿春秋六十六黎儀瘁陽泣涕言
灑豈愛哉躬命不可贖臨終迷
發祖業良田畝且一金推予弟息辭位讓
財行義高邵卓不可及名寔相副始有卒

人善應方切惻

故吏故鄣施業字世堅義民堂邑戚忠忠

年十有一慈考早隱喪以備於禮制蓬首
而壞而消辟地行母氏以

而悼傷服菲五五線杖莫末

除廣陵之郡守東海聞寢疾而終卒

凡百普悲舜化比屋之餘慶隨

棺柩車哀以而逆之祖載已畢託還返

其故鄉君其節操悲其有每以

其老親忠君厚德念君之仁

思聞君之隕隧剝斷而辛酸復截線麻杖

君之柩棺扶號而竭泣涕其

甫於岐山其從之迷君

而到官上書而薦君盡禽息之君

之君於山列

種嘉奇樹持為之潤解忠業與猶君

恩使然雖君有大化孰能爾者難子喪之

終恩其顏而死可贖不愛

人今君於彼卓譎而越倫吏民慕高

蹤來者莫如雨偉名建石垂示於

門下功曹徐侃字元節主簿呂嘉字元

主史陳信字聖舉主紀史忠字建臺門

下游激

字叔騰門下賦曹

字聖

臺門下史曹助字仲臺吏呂常字孝讓
從掾位徐超字元貴

漢堂邑令費鳳別碑

君舅家仲孫甘陵石勛字子才載馳載驅
來奔于喪庭肝催意悲感切傷心瞻彼碑
誅懷之好音司馬慕蘭相南容復白珪仰
之以彌高鑽之以彌堅不堪哀且思叙詩
之一篇庶幾昔子夏起夫子之所言其辭
曰

君諱鳳字伯蕭梁相之元子九江太守之
長兄也世德襲爵銀艾相亞 遐祖之鴻
軌拓前代之休蹤邈逸越而難繼非羣愚
之所頌仁義本於心慈孝著於性言不失
典術行不越矩度清潔皦爾溼而不澤恤
憂矜危施而不記由近及遠靡不覆載故
能闡令名而雲騰揚盛聲而風布踐郡右
職三貢獻計辟州式部忠以衛上漢安二
年吳郡太守東海郭君以君有透蛇之節
自公之操年母一舉孝廉拜郎中除陳國

新平長神化風靡惠以流下靜而為治匪
 煩匪擾乾乾日稷此黔首功成事就
 色斯高舉宰司委職位思賢以自輔玄懿
 守謙虛白駒以隍丹陽有越寇沒
 命君討理之試守故鄣長蓋危亂有
 不讓又畏此之而牧爰止其師旅
 鷗若飛鷹鷄若夫虓虎彊者綏以德弱
 者以仁撫簡在上帝心功訓而特紀輶輿
 宰堂邑暮而致道祝遂據於卿
 尹申表之恩情兄弟與甥舅焉與女蘿性

樂松之茂好聞君顯令名舉宗為歡喜不
 悟奄忽終藏形而匿景耕夫釋耒耜桑婦
 投鈎莒道阻而且長望遠淚如雨策馬循
 大路褰裳而涉洧歌離思黃鳥集
 於楚惴惴之臨穴送君於厚土嗟嗟悲且
 傷每食不絕夫人篤舊好不以存亡改文
 平感渭陽悽愴益以甚諸姑咸辟踊爰及
 君伯姊孝孫字元宰生不識考妣追惟厥
 祖想蓬首斬縗扶世所不為流稱於鄉
 黨見吾君君存剝裂而不已一別會無期

相去三千里絕翰永抗慨泣下不可止

漢郎中鄭固碑

君諱固字伯堅著君元子也含中和之淑
質履上仁 孝友著乎閨門至行立
乎鄉黨初受業於歐陽遂窮究於典籍膺
游夏之文學襄冉季之政事弱冠任郡吏
諸曹掾吏主簿督郵五官掾功曹入則腔
心出則瓜耳忠以衛上清以自修犯顏蹇
諤造昧詭辭加以好成方類推賢達善遂
遞退讓當世以山服之邦后珍瑋以為儲

舉先屈計掾奉我 貢清眇冠乎群彥德

能簡乎聖心延熹元年二月十九日詔拜

郎中非其好也以疾固辭未滿期限從其

本規乃邁凶愍年四十二其四月廿四日

遭命隕身痛如之何先是君大男孟子有

揚烏之才善性形於岐嶷 見於垂髫

年七歲而夭太君夫人所共哀也故建

共墳配食斯壇以慰考妣之心琦瑤延以

為至德不紀則鍾鼎奚銘昔姬 武弟

述其凡綜 行於蔑陋獨曷敢忘

乃刊石以旌遺芳其辭曰
於惟郎中寔天生德順親誨弟虔恭竭力
教我義方導我禮則傳宣孔業作世模式
從政事上忠以自勗貢計王庭華夏歸服
帝用嘉之顛拜殊特將從睢意色斯自得
乃遭氛災隕命顛沛家失所怙國忠直
俯哭誰訢仰號焉嗟嗟孟子苗而弗毓
奉我元兇修孝罔極魂而有靈亦歆斯勒

漢廬江太守范府君碑

君諱式字

功存有復

寔曰御龍

昨商周世昭其隆晉主夏盟

有士會者光演弘謨翼崇霸業錫邑命族

為范氏則其後也君稟靈醇之茂度體

玄亮之殊高徽柔懿恭明允篤恕九德靡

爽百行淵脩弘道軌舊恢韜墳籍探頤研

機罔深不入若乃立德隆禮樹節賢真志

諒足以弼國篤友足以輔仁用能昭其洪

懿聲充宇甸接華彥於汝墳潤枯斃於荆

漢營鮑之遐蹤信靈許乎炳煥是以化

泉流芳鴻舊耀仁闡於權輿濟俗侔

乎皇訓群公偉焉弓旌盈路再讓考

三府舉高第侍御史拜冀州刺史糾剔瑕

慝六教允施翰飛肅於鷹揚典刑軌

帝其勲遷廬江太守擬泰和以陶化

昭公則以隆治彌弘略惠訓亡倦

協齊清源之深闕寶䟽氏之

至順以疾告辭韜光潛曜詠琴詩以寧

其猶充治外內寔紹

德之奧數而儀民之淵表也未亮三事

常山相暨子汜孫

而胤嗣罔繼粵青龍三年正月丙戌縣長

汝南薛

感靈壇之不饗

思隆懿模以紹奕世乃與縣之碩儒咨典

謨之中同宗之胄昭告祖考俾

守厥祀本著宣融之祚人神協休茂之

慶焉禮也於是鄉上計掾崔循州部

泰山從事史崔邵等僉以為君雖輝名載

籍光颺前列而靈墳亡儀門靡述遂相

與畧依舊傳昭撰景行刊銘樹墓以聲百

世其辭曰

於昭上德實唐之胤誕表靈和蹈規履信
窮神周覽祇道之訓邁德徽猶鴻漸舊
穢彼夸毗寶此醇懿以文會友以仁翼
敷化濟殖群生以遂永言孝思民之攸暨
如何昊天不信其軌明德不報胤前亡紀
爰輯訓典詢爾髦士育茲赫以永遐祉
詔厥孫謀耀于萬祀

金石文目錄

漢樊毅脩西嶽廟碑

西嶽華山亭碑

西嶽華山堂闕碑銘

桐柏廟碑

九疑山碑

楚相孫叔敖碑

漢故中常侍騎都尉樊君之碑

漢金城太守殷君碑

後漢鴻臚陳君碑

河間相張平子碑

曹娥碑

太尉喬公碑

有道先生太原郭林宗碑

文範先生陳仲弓銘

陳太邱碑

汝南周巨勝碑

彭城姜伯淮碑

貞節先生陳留范史雲銘

玄文先生李子材銘

處士園叔則銘

金石文第六卷

大明徐獻忠看詳

漢樊毅脩西嶽廟碑

山經曰泰華之山削成四方其高五千仞
廣十里周禮職方氏華謂之西嶽祭視三
公者以其能興雲雨產萬物通精氣有益
於人則祀之故帝舜受堯歷數親自巡省
設五鼎之奠柴燎煙致敬神祇又用昭明
百穀繁殖黎民時雍鳥獸率舞鳳凰來儀
暨夏殷周末之有改也其德休明則有禎

祥荒淫臊穢篤災必降秦違其典璧遺鄣
池二世以亡高祖應運禮遵陶唐祭則獲
福奕世克昌亡新滔逆鬼神不享建武之
初彗掃頑凶更率舊章敢用玄牡牲牲必
充天惟醇祐萬國以康元和二年有漢元
舅五侯之曹謝陽之孫曰樊府君諱毅字
仲德承考讓國家于河南究職州郡辟公
府除防東長中都令誅強疏撫瘠民二鄙
以清命守斯邦威隆秋霜恩踰冬日景化
既宣由復夕惕惟窺祿之報順民之則孟

冬十月齊祀西嶽有傳窄狹不足處尊卑

廟會舊久墻屋傾亞

一作

世室不修春秋

作譏特部行事苗班與縣令先黨以漸補
治設中外館圖珍竒畫惟數嶽瀆之精所
出禎秀役不於時而功已著暫勞久逸神
永有憑自古太山邱邑猶存五嶽尊同哀
此勤民獨不賴福乃上復十里內工商農
賦克厭帝心嘉瑞乃奮風雨應起濺潤品
物君舉必書况乃盛德惠人神人可無述
焉於六功曹郭敏主簿魏靛戶曹史許禮

等遂刊立石銘勒鴻勛垂曜靈軫存有昭
識其辭曰二儀剖判清濁始分陽凝成山
陰積為川恭氣推否洪波况臻堯命伯禹
決江開汶川靈既定恩覆地民乃刊祀典
辨於羣神因瀆祭地嶽以配天世主遵循
永享歷年有銳煌煌受茲介福京夏密清
殊俗賓服令聞不違可謂至德德音孔昭
寔惟我后出自中興大漢之舅本枝惟百
延慶長久俾守西嶽達奉神祀改傳飾廟
靈則有攸齊降瑞畚祚景愷悌惟風及雨

成我稷黍穡民用章建又室宇刊銘記誦
克配良甫

西嶽華山亭碑

惟光和元年歲在戊子名曰咸池季冬已
已弘農太守河南樊府君諱毅字仲德下
車之初恭肅神祀西嶽至尊詔書奉祠躬
親自往省從一作徒勞謙即事有漸散齊華
亭齊堂逼窄郡縣官屬清齋無處尊卑錯
綜精誠不固畏天之威逢斯瘴怒時雨不
興甘澍不布念存黔首懼聞曠素於是與

令巴郡月忍先薰公謀圖議繕故斷度榘
廊立室異處左右趣之莫不競慕二年正
月己卯興就既成有元休嘉啟寤各得竭
情一作誠福祿是顧刻茲碑彌更卒俠路其
辭曰

巖：西嶽五鎮次宗緒德之尊大華優隆
皇帝永思祀典孔明高神肯宴圭璧贊通
赫：在上以畜萬邦惟嶽降神寔生群公
鄉士百辟績業攸蒙帝命不違歲事報功
群后命鄉散齊外亭敬恭明祀以奉皇靈

所處逼窄屑窳有聲神樂其靜脩翬無形
尊卑有序潔心致誠因繕舊室愍頓端平
在其板屋孰不加精天人同道萬祚來迎
既受帝祉延于後生為龍為光顯又王庭
為公為侯福祿來成刻石紀彌永享利貞

西嶽華山堂闕碑銘

易曰天地定位山澤通氣然山莫尊于嶽
澤莫盛於瀆山嶽有五而華處其一瀆有
四而河在其數其靈也至矣聖人廢興必
有其應故岱山石立中宗總統太華授璧

秦胡絕緒白魚入舟姬武建業寶珪出水
子朝喪位布五方則處其西列三條則居
其中若廣袤扶一作竒蟲山經有紀矣是以
帝王巡狩親五嶽而告至觀方后而考禮
故經有望秩之禋典有生殖之祀蓋所以
崇山川而報功也四海一統天子乘其禮
諸侯力政彊國攝其祭奉其邑曰華陰也
久矣乃紀於禹貢而今秦晉之境奉鄙晉
之西則曰陰晉邊秦之東則曰寧秦邑既
遷徙禮亦如之二國力爭以奉以祭其城

險固基趾猶存故老之言未殞於民也逮
至大漢 命克亂不愆不忘舊名是復率
禮不越故祀是奠歷葉增修虔恭又備一
禱三祀終歲而四以迄于今而世宗又經
集靈之宮於其下想喬松之疇是遊是憩
郡國方士自遠而至者充巖塞崖鄉邑巫
覲宗祀乎其中者盈谷溢谿咸有浮瓢之
志愉悅之色必雲霄之路可升而越果繁
昌之福可降而致也故殖財之寶黃玉自
出令德之珍卿相是毓匪惟高高降生申

甫此亦有焉天有所興必先廢之故殷宗
周宣以衰致盛是時也王業中缺大化陵
遲郡縣既毀財匱禮之庭廟傾壞壇場蕪
穢祭祀之禮有缺焉於是鎮遠將軍領北
地太守闔鄉亭侯段君諱以字忠明自武
威占此土憑託河華二靈是與故能以昭
烈之德享上將之尊銜命持重屯斯寄國
討叛柔服威懷是示群兇既除郡縣集寧
家給人足戶有樂生之歡朝釋西顧之慮
而懷關中之恃雖昔蕭相輔佐之功功冠

群后弗以加也遂解甲休士陣而不戰以
逸其力脩飾享廟壇場之位荒而復辟禮
廢而復興大造祠堂表以參闕建神路之
端首觀壯麗乎孔徹然后旅祀祈請既有
常處雖雨雪衣而禮不廢於是邑之士女
咸曰宜之乃建碑刻石垂示後裔其辭曰
於穆堂闕堂闕昭明經之營之不日而成
匪奢匪儉惟德是程匪豐匪約惟禮是榮
虔恭禋祀黍稷芬馨神具醉止降福穰

桐柏廟碑

延熹六年正月八日己酉南陽太守中山
盧奴張君處正好禮尊神敬祀以淮出平
氏始於大復潛行地中見於陽□立廟桐
柏春秋宗奉災異告譴水旱請求位北諸
侯聖漢所尊受珪上帝大常定甲郡守奉
祀務潔沈祭從郭君以來二十餘年不復
身到遣行承事簡略不敬明神弗歆災異
以生五嶽四瀆與天合德仲尼慎祭常若
神在君準則大聖親之桐柏奉見廟祠崎
嶇逼狹開拓神門立闕四達增廣壇場飾

治華蓋高大殿宇窮齊傳館石獸表道靈
龜十四衢廷弘殿宮廟高峻祇慎慶祀一
年再至躬進牲牲執玉以沈為民祈福靈
祇報祐天地清和異祥昭格禽獸碩茂草
木芬芳黎庶預止民用作頌其辭曰
涇涇淮源聖禹所導湯湯其逝惟淮是造
䟽穢濟遠柔順其道弱而能強仁而能武
聖賢立式明哲所取定為四瀆與河合矩
烈：明府好古之則虔恭禮祀不愆其德
惟前廢弛匪恭匪力災眚以興陰陽以忒

陟彼高岡臻茲廟則肅、其敬靈祇降福
雍、其和民用悅服穰、其慶年穀豐植
望君輿駕扶老携幼慕君塵軌奔走忠食
懷君惠貺思君罔極於胥樂兮傳於萬億

九疑山碑

巖：九疑峻極於天觸石膚合興播建雲
時風嘉雨浸潤下民芒、南土實賴厥勛
逮於虞舜聖德光明克諧頑傲以孝蒸、
師錫帝世堯而授徵受終文祖璇璣是承
太階以平人民有終並 九疑解體而升

登此崔嵬託靈神僊

楚相孫君諱饒字叔敖本縣人碑

楚相孫君諱饒字叔敖本縣人也六國
時期思屬楚楚都南郢南郢即南郡江陵
縣也君受純靈之精懷絕世之才有大賢
次聖之質少見枝首蛇對其母泣吾將死
母問其故曰吾聞見枝首蛇者死今日見
之母曰若柰之何吾 行數十步念獨吾
之可空復令他人見之死為因埋掩其荆
古到母曰若無憂焉其陰德立善遂為父

母九族所異及其為相布政以道考天象
之度敬授民時聚藏於山殖物於藪宣導
川谷波障源淥溉灌沃澤堤防湖浦以為
池沼鍾天地之美收九澤之利以殷潤國
家富人喜優贍樂業拭序在朝野無螟
蠹豐年蕃庶人有曾閔貞孝之行四民美
好從容中節高相改幣一朝而化其憂國
忘私乘馬三年不別牝牡繼高陽重黎五
舉子文之統其忠信廉勇禮樂文章軌儀
同制其富國充民明天時盡地力寔堅禹

稷不能踰也專國權寵而不榮華一旦可
得百金至於歿齒而無分銖之蓄破玉玦
不以寶財遺子孫終始若矢去不善如絕
絃辟患害于無形徹高節義敦良奇介自
曹臧孤竹吳札子罕之倫不能駭也生於
季未仕於靈王立溷濁而澄清處幽暗而
照明其遺武餘典恨不與戲皇帝代同世
世為列姪國在朝廷其意常墨：若冠章
甫而坐塗炭也病其臨卒將無棺槨令其
子曰優孟曾許千金貸吾孟故楚之樂長

與相君相善雖言千金實不貸也卒後數
季莊王置酒以爲樂優孟乃言孫君相楚
之功即忼慨高歌曲曰貪吏而可爲而不
可爲廉吏而可爲而不可爲貪吏而不可
爲者當時有污名而可爲者子孫以家成
廉吏而可爲者當時有清名而不可爲者
子孫困窮被禍而賣薪貪吏常苦富廉吏
常苦貧獨不見楚相孫叔敖廉潔不受錢
涕泣數行若授首王王心感動覺悟問孟
孟具列對即來其子而加封焉子辭父有

命如楚不忘亡臣社稷而欲有賞必於
潘國下濕境堉人所不貪遂封潘卿即固
始也三九無嗣國絕祀廢固始令段君夢
見孫君則存其後就其故祠爲架廟屋立
石銘碑春秋丞嘗明神報祚即歲還長棧
太守及期思縣宰段君諱光字世賢魏郡
鄴人庶慕先賢體德允恭篤古遵舊奉履
憲章欽翼天道五典典通攷籍祭祠祇肅
神明臨縣一載志在惠康壅枯粟之愛育
藜蒸詩掃醜類鰥寡是矜杜僞養善是忠

表仁感想孫君廼發嘉訓興祀立壇勤
愛念意自然刻石銘碑千載表績萬古
標記福祐期思縣興士熾孫氏蒙恩漢延
熹三年五月廿八日立

漢故中常侍騎都尉樊君之碑

君諱安字子祐南陽湖陽人也厥祖田仲
山父翼佐周宣出納王命爲之喉舌以致
中興食菜于樊子孫氏焉奕世載德守業
不愆在漢中葉篤生哲媛作合南頓實產
世祖 征討逆畔復漢郊廟而樊氏以

帝元舅列受茅土封罷五國壽張侯以功
德加位特進其次並已高聲處鄉校侍中
尚書據州興郡不可勝載爲天下學治韓
詩論語孝經兼典記傳古今異義甘貧樂
約意不回貳天資淑慎稟性有直秉操不
移不以覬貴世政促峻邑宰寡識慢賢役
德被以勞事然後慷慨官於王室歷中黃
門冗從儀史拜小黃門小黃門右史遷藏
府令中常侍其事上也貞固密慎矜戰
戰作主股肱助國視聽外職不誣內言不

金石錄卷六
十一
泄爲近臣楷模以兄弟並盛雙據二郡宗
親賴榮年五十有六以永壽四年二月甲
辰卒朝思其忠追拜騎都尉寵以印綬策
書褒歎賻贈有加嗣子遷實以幼弱夙叙
王爵而喪所天禮備復位以延熹三年冬
十有一月自上蒸祭乃尋惟烈考恭脩之
懿勒之碑石俾不失墜其辭曰
肅：我君帝躬是翼王事多難我君是力
秉此小心以亮王職惟帝念功庸以輿服
大命傾實魂神遷佚龜文追贈用光其德

藹：遺稱作呈作式勒銘茲石垂示罔極
勲名不剝永昭千億

漢金城太守殷君碑

君諱華字叔時上郡之陽人大匠君之子
也其先出自有殷曰國定氏不改其號聖
哲元流至君而懿幼應瓊蘭之美長有冲
邈之志敷詩閱禮韜韜竹貴誕循前業守
以恪恭仕歷州郡忠愕有分其大操也耽
耽虎視龍變不羈故能雄傑於并域聲班
於上京察名孝廉貢除郎中左
馮翊

丞協宣文物公事知州舉茂才苑邱令崇
行寬猛示之禮禁褒廷庠校政以惠和三
載陟隕邪臨金城郡郵羗虜避難遷移役
兼民匱室如縣罄乃敷權略獎厲威信獫
狁率服不敢窺踰兵戢而時動因省獵以
習義興利弭患順其所樂開通狹道造作
傳館吏事成悅不勞而勸是以搢紳之徒
譚講雅誦釋軍旅之犀革陳俎豆於泮宮
其文櫜軫旌顯才良咨量三壽賞刑不僭
邦場寧靜歲時豐登耆叟擊壤童叟謳謔

功基垣列當升寵祚是不耆德景命失靈
以光和元年九月乙酉卒官生有嘉休終
則鼎銘於是故吏邊竺江英韓遂等追送
遐邱刊石勒勛其辭曰

於惟明后懷德握醇昆台之耀秀出不群
文昭有毅武列能仁含舒憲墨以育生民
秉紀東壤西國著勲身沒名流載世常存
古之遺老非此孰云于爾臣恩續一作續其
是芬

後漢鴻臚陳君碑

君諱紀字元方太邱君之元子也始祖有
虞受禪陶唐亦以命禹其爲媯滿當周武
王時祚土於陳君其世也君生應乾坤之
純質受嵩岳之粹精內包九德外兼百行
淵深淪於不測瞻智應於無方弘裕足以
容衆矜嚴足以正世然後研幾道奧涉覽
文學凡前言往行竹帛所載靡不坐該其
善也鹽：焉其誘人也是以令問廣譽塞
於天淵儀刑嘉誨範乎人倫存乎本傳故
畧舉其著於人事者爲顯考以茂行宗冠

先傳季弟亦以英才知名當世孝靈之初
並遭黨錮俱處於家孺曰三君故得奉常
供養以循子道親執饋食朝夕竭歡及太
邱君疾病終亡喪過乎哀崩傷嘔血如此
者數焉禮既除戚容彌甚聞名心瞿言及
隕涕雖大舜之終慕曾參之自盡無以踰
也豫刺史嘉懿至德命勅百城圖畫形州
像於今遺稱越在民口既處隱約潛躬味
道足不踰閩乃覃思著三千餘萬言言
不務華事不虛設其所交釋合贊規聖哲

而後建肯明歸焉今所謂陳子者也初平
之元禁罔蠲除四府並辭弓旌交至雖崇
其禮命莫敢屈用大將軍何追表選明儒
君為舉首公車特徵起家拜五官中郎將
到遷侍中旬有八日出相平原會孝靈晏
駕賊臣秉政肆其兇虐刺亂宇內州郡幅
裂戎興並或君冒犯鋒矢勤恤民隱馴之
以禮教示之以知恥視事未期士女向方
會刺史敗於黃巾幽冀二州爭利其主君
料敵知難不忍其民為已致死乃辭而去

之於是老弱隨慕板轅特轂輪不得轉遂
晨夜間行寓於邳郟之野袁術恣睢僭號
江淮圖覆社稷結婚呂布斯事成重必不
測救君諗布不從遂與成婚送女在途君
為國深憂乃奮策出奇以奪其心卒使絕
好追女而還離逆奸謀使不得成國用又
安君之力也惟帝念功命作尚書令會車
駕幸許洋大鴻臚實掌九儀四門穆：遂
登補袞闕以熙帝載不幸寢疾年七十有
一建安四年六月卒惜平懷道處否登庸

日寡實使大業不究元勳靡建茲海內所
為嗟悼凡百所以失望也天子愍焉使者
弔祭郡鄉以下臨喪會有子曰羣追惟蓼
莪罔極之恩乃與邦彥碩老咨所以計功
稱伐銘贊之義遂樹斯石用監於後其辭
曰

於穆上德時惟我君固天縱之天一作鍾
厥純命世作則實紹斯文遭險龍潛抗志
浮雲所貴在已樂存事親雖處畎畝天子
屢聞乃階即將陪帝作鄰平原冠深遂辭

其民思齊古公邠士是因不忘諗國惠我
無垠復命喉舌秉國之均爰登卿士媚茲
一人如何穹蒼不授遐年豈厥在位每懷
不申股肱或虧朝誰與詢莞：不子號泣
于旻勒銘表德久世弥新

河間相張平子碑

河南相張君南陽西鄂人諱衡字平子其
先出自張老為晉大夫納規趙武而反其
侈書傳美之君天姿獻哲敏而好學如川
之逝不舍晝夜是以道德漫流文章雲浮

數術窮天地制作侷造化瓌辭麗說奇技
偉藝磊落煥炳與神合契然而體性溫良
聲氣芬芳仁愛篤密與世無傷可謂淑人
君子者矣初舉孝廉爲尚書侍郎遷太史
令實掌重黎歷紀之度亦能焯燿敷大天
明地德光照有漢遷公車司馬令侍中遂
相河間政以禮成民是用息遭命不永閤
忽喪祖朝失良臣民隕令君大泯斯道世
喪斯文凡百君子靡不傷焉乃銘斯表以
旌厥問其辭曰

於維張君資質懿豐德茂才美一作美高明
顯融焉所不學亦何不師盈科而逝成章
乃達一物不知實以爲耻聞一善言不勝
其喜包羅品類稟授無形酌焉不竭沖而
復盈廩其庶豐其幾膺數命世紹聖
作師苟華必實令德惟恭柔嘉伊則孝友
祇容允出在茲維帝念功往哉女諧化洽
民雖慙而不弔降此咎兇詰人其萎罔不
時恫紀于銘勒永終譽兮死而不朽芳烈
著兮

曹娥碑

孝女曹娥者上虞曹盱之女也其先與周同祖末曹荒流沉一作爰茲適居盱能撫節按歌婆娑樂神以漢二年五月時迎伍君逆濤而上為水所淹不得其尸時娥年十四號慕思盱哀吟澤畔旬有七日遂自投江死經五日抱父屍出以漢安迄于元嘉元年青龍在辛卯莫之有表度尚設祭誄之辭曰鬱伊孝女睦之姿偏其反而令色孔儀窈窕淑女巧笑倩兮宜其家室在

洽之陽大禮未施嗟喪慈父彼蒼伊何無父孰怙訴申告哀赴江永號視死如歸是以眇然輕絕投入沙泥翩：孝女載沉載浮或泊洲渚嶼一作或在中流或趨湍瀨或逐波濤千夫失聲悼痛萬餘觀者填道雲集路衢泣淚掩涕驚慟國都是以哀姜哭市杞崩城隅或有尅面引鏡勞耳用力坐臺待水抱樹而燒於戲孝女德茂此儔何者大國防禮自修豈况庶賤露屋艸茅不扶自直不鏤一作斷自彫越梁過宋比

之有殊哀此貞厲一作獨千載不渝嗚呼哀
哉辭曰

名勒金石質之乾坤歲數歷祀立廟起墳
光于后土顯昭天人生賤死貴利之義門
何悵華落飄零早分葩艷窈窕永世配神
若堯二女為湘夫人時効鬢髻以昭後昆

太尉喬公碑

公諱玄字公祖梁國睢陽人也大鴻臚之
曾孫廣川相之孫東萊太守之元子也膺
受純性誕有特表岐嶷而超等總角而逸

群至於初紳高明卓異為眾傑雄其性疾
華尚朴有折而不撓臨大節而不可奪之
風經藝傳記周覽博涉瑰琦在前靡所不
識當世是以服重器歸高名州郡交請待
以訪斷歷端首則義可行處爪牙而威以
布察老庶除郎中洛陽左尉以公事去辟
司徒舉高第侍御史直道而往用已其莅
辟大將軍府表拜涼州刺史遷齊相以公
事去詔書印綬即家拜上谷太守遷漢陽
太守徵拜議郎司徒長史鉅鹿太守被詔

書爲將作大匠爲受罰者所章拜議郎即
徵拜度還將軍遷河南尹少府大鴻臚遂
陟司空司徒託病遜位起家拜尚書令以
疾薦稱拜光祿大夫後拜太尉久病自替
復爲少府大中大夫春秋七十五光和七
年五月甲寅薨公性質直不憚強禦在憲
臺則有盡規之忠領州郡則有虎眈之威
其拔賢如旋流討惡如霆擊每所臨向清
風光翔遠近豫震茲可謂超越衆庶彰於
遠邇者已於是故吏司徒博陵顧烈廷尉

河南吳整等以謂至德在已揚之由人苟
不矯迹夫何舍焉乃共勒嘉石永昭芳烈
遂作頌曰

赫矣喬父秉文握武內爲宗幹出爲藩輔
在憲彈父竟由厥矩允牧於涼剋彼裔土
爰將度遼亦用齊斧敷教四畿旋統京宇
敦茲五服衆庶是與膺踐七命翼我哲聖
登堂補衮陟徒訓敬尹尉清晨熙帝之政
終始爲貞奐章以定遺愛在民皇哀其命
立石刊銘莫迹斯聰魂而有靈萬億其盛

有道先生太原郭林宗碑

先生名泰字林宗太原介休人也其先出自有周王季之穆有豨叔者實有懿德文王咨焉建國命民或謂之郭其後也先生誕膺天衷聰睿明哲孝友溫恭仁篤柔惠夫其器量弘深咨度廣大浩浩焉汪汪焉奧乎不可測已若乃砥節勵行直道正辭貞固足以幹事隱括足以矯時遂考覽六籍探綜群緯周流華夏游集帝學救文武之將墜拯微言之未絕於時纓綏之徒紳

佩之士望形表而累附聆嘉聲而響和者猶百川之歸巨海鱗介之宗龜龍也爾乃潛隱衡門收朋勤誨童蒙賴焉用祛其蔽州郡聞德虛已備禮莫可能致群公休之遂辟司徒掾又舉有道皆以疾辭將蹈洪崖之遐跡紹巢由之絕執翔區外以舒翼超天衢以高跼稟命不融享年四十有三以建寧二年正月己亥卒凡我四方同好之人永懷哀悼靡非賞念乃相與推先生之德以圖不朽之事僉以爲先民既沒而

德音猶存者亦賴之於見述也今其如何
而闕斯禮於是建碑表墓昭名景行俾芳
烈奮乎百世令問顯乎無窮其詞曰
於休先生明德通玄純懿淑靈受之自天
崇壯幽濬如山如淵禮樂是悅詩書是敦
匪惟撫華乃尋厥根宮牆重仞允得其門
懿乎其純確乎其操洋洋措紳言觀而高
棲遲泌邱善誘其教赫赫三事幾行其招
委辭召貢保此清妙降年不永民斯悲悼
爰勒茲銘摘其光耀嗟永來世是則是效

文範先生陳仲弓銘

君諱寔字仲弓潁川許人也其先出自有
虞氏中葉當周之盛德有媯滿者武王配
以大姬而封諸太昊之墟是為陳胡公春
秋之末失其爵土遂以國氏焉世篤懿德
令問不顯君應皇靈之清和受明哲之上
姿憑先民之遐躅秉玄妙之淑行投足而
襲其軌施舍而合其量夫其仁愛溫柔足
以孕育羣生廣大寬裕足以色覆無方剛
毅強固足以威暴矯邪正身體化足以陶

治世心故言斯可象靜斯可効是以邦之
子弟遊方後生莫不同情瞻仰由其模範
從其趣向戾狠斯和爭訟化讓雖嚴石猛
正迫以刑戮未若先生潛導之速也其立
朝事上也恭順貞厲含章直方無顯諫以
彰疊不割高而引長常幹州郡腹心之任
義則進之以達道否則退之以光操然後
德立名宣蓋於當世辟司徒府納規陳謀
主弼三事人用昭明台階允寧遷聞喜長
清風暢於所漸儉節溢於監司郡政有錯

俊豪傑徃徃崛起自戰國及漢名臣維踵
枝胄散遷其於宛尚矣王莽竊位漢祚中
移考翼佐世祖匡復郊廟錫封茅土卿相
牧守於時相逐休安以好學游心典謨既
綜七經又精群緯鉤深極奧窮覽聖旨居
則玩其辭動則察其變雲物不顯必考其
占故能獨見前識以先神意若古今常難
疑義錯繆前人所希論後學所不覽 盡
剖判剝散幽暗昭爛猶發憤於目所不覩
體所不聞遂登東岳歡百王遺風習容闕

里以叶禮中退而講誨童冠仰焉傳傳傳也郡署五官掾功曹司空胡公顯以儒譽特進大鴻臚仍禮優請固秉讓退辭此三命不爲利回不爲義疚臨寵審已不動其守可謂純潔皓素綽有餘裕者已其於鄉黨細行敦睦九族篤信明友不可得而詳也初娶配出後配未字年既五十苗胤不嗣以永壽二年夏五月乙未卒凡其親昭朋徒晷味相與大會而葬之鼎俎之禮節文曲備時令戴君臨喪命謚郡遣丞掾冠

靈所寧紀順奉雅意遂定兆域宜有銘勒表文墓俾後生之歌詠德音者知邱封之存斯也乃作銘曰

於熙文考天授弘造淵源其深巍峩其高剛而無虐柔而不撓誕鋪模憲示世作教君之誨矣民胥効矣道行斯進廢乃斯止鮮我顯泰既多幽否舍榮取辱涅而不緇德之休明賤不為恥超邈其猶莫與方軌

陳太邱碑

先生諱寔字仲弓潁川許昌人也含元精

之和平期運之數無資九德總修百行於
鄉黨則恂恂焉斌斌焉善誘善導仁而愛
人使夫少長咸安懷之其為道也用行舍
歲進退可度不微訐以干時不遷怒以監
下四為郡功曹五辟豫州六辟三府再辟
大將軍宰聞喜半歲大邱一年德務中庸
教敦不肅政以禮成化行有謚會遭黨事
禁錮二十年樂天知命澹然自逸交不諂
上愛不黷下見機而作不俟終日及文書
赦宥時年已七十遂隱邱山懸車告老四

門備禮闕心靜居大將軍何公司徒哀公
前後招辟使人曉喻云欲持表便可入踐
常伯起補三事佩紆金紫光國垂勲先生
曰絕望已久飾巾待期而已皆遂不至弘
農楊公東海陳公每在衮職群僚賀之皆
舉首曰穎川陳君命世絕倫大位未躋慙
於文仲竊位之負故時人高其德重於公
相之位也年八十有三中平三年八月丙
子遭疾而終臨沒顧命留葬所卒時服素
棺擲財周櫬喪事唯約用過乎儉群公百

僚莫不咨嗟巖叟知名失聲揮涕大將軍
吊祠錫以嘉謚曰徵士陳君稟邱瀆之精
包靈輝之純天不憇遺一老俾屏我王梁
崩哲萎於時靡憲縉紳儒林論德謀績謚
曰文範先生傳曰郁郁乎文哉書曰洪範
九疇彝倫攸叙文爲德表範爲士則存誨
沒號不亦宜乎三公遣人祭以中牢刺史
敬吊太守南陽曹府君命官作誄曰赫矣
陳君命世是生令光醇德爲士作程資始
既正守終有令奉禮終沒休矣清聲遣官

屬掾吏前後赴會刊石作銘府丞與比縣
會葬荀慈明韓元長等五百餘人總麻設
位哀以送之遠近會葬千人已上河南尹
神府君臨郡追歎功德述錄高行以爲遠
近鮮能及之重部大掾以成時銘斯可謂
有榮沒哀死而不朽者也乃作銘曰
峩峩崇岳吐符降神於皇先生抱寶懷珍
如何昊穹既喪斯文微言已絕來者曷聞
交交黃鳥命不可贖哀何可極

汝南周巨勝碑

君諱總字巨勝陳留太守之孫光祿勳之
子也君應坤乾之淳靈繼命世之期運玄
豁清廟貞勵精粹體仁足以長人嘉德足
以合禮總六經之要括河洛之機援天心
以立均贊幽明以揆時沉靜微密淪於無
內寬裕弘博含乎無外是以實繁於華德
盈乎譽初以父任拜郎中疾去官察孝廉
是時郡守梁氏外戚貴罷非其好也遂以
病辭太守復察孝廉乃俯而就之以明可
否然猶私存衡門講誨之樂不屑已也又

委之而旋故大將軍梁冀專國作威海內
從風世之雄材優逸之徒莫不委質從命
而顛覆者蓋以多矣聞君洪名前後三辟
而卒不降身由是搢紳歸高辟公事德太
尉司徒再辟三辟察賢良方正州舉
皆病不就擾攘之際災眚仍發聖上詢諮
師錫策公車持節徵君仰瞻天象俯效人
事卅路多險進非其時乃托疾杜門靜居
里巷外無人跡庭生蓬蒿如此者十餘年
強禦不能奪其守王爵不能滑其慮至延

熹二年乃更闢門延賓享宴醇樂及秋而
梁氏誅滅十二月君卒然則識機知命可
觀於斯矣洋洋乎君德雖崇山千仞重淵
百尺未足以踰其高究其深也夫三精垂
耀處士有表爰在上世作者七人焉有該
百行備九德齊光日月洞靈神明如君之
至者與亶所謂天民之秀也享年五十不
登期考遐邇歎悼痛心失圖乃相與建碑
勒銘以旌休美其辭曰
厥初生民天賜之性有龐有醇有否有聖

伊茲周君允丁其政誕茲明德自始哲命
與乎其文如星之布確乎不拔如山之固
追綜先緒應期作度潛心大猷譚思德謨
遁世無悶屢辭王寮洋洋泌邱於以逍遙
蔑爾童蒙是訓是教瞻彼榮寵譬諸雲霄
優哉游哉作此弘高名振華夏光耀昆苗
清風不揚德音孔昭

彭城姜伯淮碑

先生諱肱字伯淮彭城廣人也其先出自
帝胄在皇唐蓋與四岳共葉能禮於神舜

命秩宗爰封於宮其裔呂望佐周克殷俾
侯齊國姓有姜氏即其後也高祖祖父皆
豫章太守穎陰令先生既踏先之純德體
妙之高姿立性純固百行循備但其平生
所能事親惟孝友如大舜五十而慕友于
兄弟有棠棣之華萼之度體惠理和有
上德之素安靜守約有及嬰兒恬蕩之固
至操動信邑中化之外戶不閉治藏無隱
及其學而知之者三墳五典八索九邱俯
仰占候推步陰陽有名物定事之能獨見

先親之効然猶學而不厭誨而不倦童冠
自遠方而集者蓋千餘人夫水盈而流德
交而形是故德行外著洪聲外布華夏同
稱名振當世凡十辟公府九舉賢良方正
公車徵玄纁禮聘又家拜建爲太守大中
大夫先生盤桓育德莫之肯就不隕獲於
貧賤不充詘於富貴拔乎其萃出乎其類
生民之傑也年七十有七建安二年四月
辛巳卒於是從游弟子陳留申屠蟠等悲
悼傷懷惟微言之欲絕感絕倫之往事乃

建碑於墓甄述景行貌矣先生應天淑靈
孝友是備上德是經弘此文藝耽恬是寧
恂恂善誘童冠來誠有其人其與有聲
顯顯群公十貢令赫聖皇仍獲其聘委
策辟國守此玄靜綽乎其裕確乎其操疇
昔洪崖雙名並高嗟乎殞沒搢紳永綽依
依我徒靡則靡効勒名金石彌而益曜

貞節先生陳留范史雲銘

先生諱丹字史雲陳留外黃人陶唐氏之
後也其在周室有士會者爲晉大夫以受

范邑遂以爲氏漢文景之際爰自南陽來
家於成安生惠及延二年官至司農廷尉
君則其後也君受天正性志高行潔在平
幼弱固已藐然有烈節矣時人未之或知
屈爲縣吏丞從佑進非其好也退不可得
乃託死遁去親戚莫知其謀遂隱竄山中
涉五經覽書傳尤篤易尚書學立道通久
而後歸遊集大學知人審友苟非其類無
所容納介操所在不顧貴賤其在鄉黨也
事長惟敬養稚惟愛言行舉動斯爲楷式

郡縣請召未嘗屈節其有備禮招延虛已
迺止亦爲謀奏其忠直以處士舉孝廉除
郎中萊蕪長未出京師喪母行服故事服
闋後還郎中君遂不從州郡之政凡其事
君過則弱之闕則補之通清夸之路塞邪
枉之門舉善不拘階次黜惡不畏強禦其
事繁多博不可詳載雅性謙儉體勤能若
不樂假借與從事荷傳徒行人不堪勞君
不勝其逸辟太尉府俄而冠帶士或以群
黨見嫉時政用受禁錮君離其罪閉門靜

居九族中表莫可見面晚節禁寬困於屢
空而性多檢括不治產業以爲卜筮之術
得因吉凶道治民情以受薄賈且無咎累
乃鬻卦於梁宋之域好事者覺之應時輒
去禁既蠲除太尉張公司徒崔公前後四
辟士不爲祿故不牽於位謀不苟合故特
立於時是則君之所以立節明行亦其所
以後門失途也年七十有四中平二年四
月卒太尉張公兗州劉君陳留太守淳于
君外黃令劉君僉有休命使諸儒參案具

禮作誅著謚曰貞節先生昭其功行錄記
所履著於耆舊刊石樹銘光示來世
於顯貞節天授懿度誕茲明哲允迪得譽
如淵之清如玉之素罔之不濁涅水自汚
用行思忠舍藏思固伯夷是師史鮪是慕
榮貧安賤不恡窮迂甘死善道遺名之故
身沒譽存聲休載路

古文先生李子材銘

古文先生名休字子材南陽宛人也其祖
李伯陽周杜下史覲衰世而適焉其後雄

爭之不從即解綬去復辟大尉府遷太邱
長民之治情歛慙反於端懿者猶草木偃
於朔風百卉之挺於春陽也以所執不協
所屬色斯舉矣不俟終日辟大將軍府道
之行廢有分於命乃離密網以就禁錮潛
復不式十有八年大忌蠲除舉賢良方正
大將軍司徒並辟君曰七十有懸車之禮
況我過諸遂不應其命容止法度老而彌
壯凡所履行事類博審不可勝故略舉首
目其實錄之記在乎其傳春秋八十有三

年八月丙子卒大將軍三公使御屬徃弔
祠會葬誄行告謚曰文範先生刺史太守
樹碑頌許令已下至於國人立廟舊邑四
時蒸嘗歡哀承祀其如祖禰先生存係重
稱亡歆血食循行於已得斯於人固上卅
之所罕有前哲之所不過也孤嗣紀銜恤
在疚敢錄言行終始所守乃有二三友生
咨度禮則咸曰君化道神速行於有國法
施於民祀典所宗鄉人之祀非此遺孤不
得專辭昔者先生甚樂茲土築室誦誨精

蓋咸屆既定而後罷焉於固好友舊僉以
爲仲尼沒文不在茲韞積美王喪英賈之
求而無繼悽爾永思乃刊斯石懿德是不
於茲先生秉德恭勤天啓哲心其繇孔純
經緯是綜雅麗是分行已守道匪禮不遵
處約不威聞寵不欣榮不能華威不能震
天任厥命以讓以仁有惠云載惟邦之珍
按典考謚謚以玄文身沒名彰配黔作隣
遺譽罔極丕昭億年嗚呼哀哉

處士國叔則銘

伊漢二十有一世處士有函典字叔則者
夫其生也天真淑情性理條暢精微周密
包括道要致思無刑深總曆部織人賞文
藻分葩如春之榮守根窮據不虛其聲
偉德若茲惟世之英乃遂隱身高藪稼穡
孔勤童蒙來求處之用文不義富貴譬諸
浮雲州郡禮招休命交集徒加名位而已
莫之能起也博士徵舉至孝耻已處而復
出若有初而無終潔耿介於邱園慕七人
之遺風年七十有五建寧二年六月卒臨

沒顧命曰知我者其蔡邕乃為銘載書休
美俾來昆裔永有諷誦以先生之德其辭
曰

民之齊敏卓時挺生思心精叡綜物通靈
術有玄妙於時游情聞道睹異惕然若驚
守死善操與世無營渾其若濁徐然後清
綽其若煥終其益貞有恒實難獨秉其經
嗟爾來世是瞻是聽

金石文目錄

司空楊秉碑

司空臨晉侯楊公碑

司空文烈侯楊公碑

琅琊王傅蔡朗碑

劉鎮南碑

太傅安樂鄉文恭侯胡公碑

光武濟陽宮碑

陳留太守胡公碑二

金石文第七卷

司空楊秉碑

大明徐獻忠看詳

公諱秉字節叔弘農華陰人也其先蓋周武王之穆晉唐叔之後也末葉以枝子食邑於楊因氏焉周家既微裔胄無緒暨漢興烈祖揚熹佐命征伐封赤泉侯嗣子業紱冕相繼公之丕考以忠蹇亮弼輔考安登司徒太尉公承風緒世篤儒教以歐陽尚書京氏易誨授四方學者自遠而至蓋

踰三千初辟司空舉第拜侍御史遷豫州
兗州刺史任城相徵入勸講拜大中大夫
左中郎將尚書出補右扶風留拜光祿大
夫遭權嬖貴盛六年守靜外戚大燔爾乃
遷太僕太卿公事絀位浹辰之間俾位河
南憤疾強溝嬰疾靡起家復拜太常遂陟
上司沙汰海內料簡貞實抽援表達與之
同蘭芳任鼎重從駕南巡知權過於寵私
富作國大回苛虐還條表聞啓導上怒其
時所免州牧郡守五十餘人饗食是絀英

才是列善否有章京夏清肅在位七載年
七十有四延熹八年五月丙戌薨朝廷惜
焉寵賜有加自奉嚴勅動遵禮度量材授
任當官而行不爲義絀疾是苛政益固其
守厨無宿肉噐不鏤雕夙喪嬪儷妾不辟
御可謂立身無過之地正直清儉該備者
矣昔仲尼有垂三戒而公克焉故能匡朝
盡直獻可去奸忠侔前後聲塞宇宙非黃
中純白窮達一致其惡能立功立事敷聞
於下昭升於上若茲巍巍者乎於是門人

學徒相與刊石碑表勒鴻勳讚懿德傳億
年於戲唯岳靈天挺德翼精神緼仁哲應
台任作邦楨帝欽亮訪典行道不惑迄有
成光遐邇穆其清

司空臨晉侯揚公碑

皇帝遣中謁者陳遂侍御史馬助持節送
柩陳遵桓典蘭臺令史十人將羽林騎鉦
車介士前後鼓吹以驃騎將軍官屬及司
空法駕與公卿尚書三臺已下葬我文烈
侯三年九月甲申小祥會如初四年九月

戊申大祥公卿尚書三臺已下會如小祥
之禮公之祖納忠於前朝以離艱禍父隱
約蟄瘁卒治家師道唯儉之尚公生值謙
福資賄屢空手執勤役足涉道里以修經
術險阻艱難曷所不嘗特以其靜則貞一
審固動則不違則兢度容覆載無兢伊人
謀無不忠言無不信自在弱冠布衣之中
固已流芳茂實公孫同倫莫能齊焉者矣
州郡禮招莫之能屈委百里位辟公事令
自侍御史侍中已徃道爲帝師德爲世表

體尊名重階級彌崇而公處以恭遜行以
固慎得大而心小居高而志降夫驕吝之
疊周公其猶病諸而公脫然以爲行首不
亦泰乎及其所以匡輔本朝忠言嘉謀造
膝危辭當事而行言從既納亦不敢宣密
誠潛功貽於帝躬家無遺草論者不見嗟
乎可謂達事君之大體得人臣之上儀者
已不貴歸非不樂引美故雖彷彿猶不敢
載以順公之雅初受封自以功不副賞前
後固辭章凡十上憂愠悄悄形於容色雖

不克從情自昭顯晚節爲廷尉公曰昔在
三后成功惟殷於民而臯陶不與焉蓋各
居之也及爲特進又曰唯漢重臣中興以
來克稱斯位者其唯高丕元侯乎吾何得
以堪諸寢疾頓命無辭要言約戒忠儉而
已孤彪銜恤永思綴輯而履以贊銘之
赫赫烈侯卓爾超倫於唯揚公乃華降神
故能明詰德亞聖人受茲介福位極人臣
色羅五典本道根真爲國之師海上經文
頻歷鄉校五登鼎鉉建銘著忠確越前賢

攘災興化蟬螿不臻風雨有時屢獲有年
三葉宰相應祚於天臨晉是侯子子孫孫
億兆不窮如山之堅四時潔祠以承奉尊
祀事孔明奉亡如存馥馥芬芬以慰顯魂

司空文烈侯楊公碑

曰漢有國師司空文烈侯楊公公惟司徒
之孫太尉公之胤子皇祖考以懿德胥及
肆勤或建休勲啓洪範公祇服弘業克丕
堂構小乃不敢不慎大亦不敢不戒用罔
有擇言失行在於其躬洎在於舉先志載

言罔不攸該乃自宰臣以從王事立功不
有用辭其祿洎作御史允執國憲納於侍
中在帝左右爰董武授王師孔閑辟公舊
德碩儒道通術明宜建師保延入華光侍
宴露寢敷典誥之精旨達聖王之聰叡帝
以密機齋標常伯處任鮮克知藏以釐其
采命公在作少府俾率其屬以熙庶績天
地作儉國家丕承軍門法禁式遏寇虐命
公再作光祿亦摠其熊羆之士不二心之
臣保乂帝家岩岩大理惟制民命命公作

民尉惟刑恤之旁施惟民折獄蔽罪於憲
之中亦三禮六樂國體元幹命公作太常
明德惟馨八音克諧神人以和永世豐年
溥天率土而衆莫外命公作司空翊明其
政唯天陰隲下民彞倫所由順序公唯戢
之時惟休哉親百姓敷五教命公作司徒
而敬敷父義母慈兄友弟恭子孝時惟休
哉昭孝於辟雍命公作三老帝躬以祇敬
尊有虞於上庠茫茫大運垂光烈耀命公
作太尉璇璣運周七精循軌時惟休哉帝

欲力於四方公則投之辟道或回公則弼
之虔恭夙夜不敢荒寧用對揚天子丕顯
休命天子大簡其勲用授爵賜封侯於臨
晉功成化洽景命有頃帝乃震慟執書以
泣命左中郎將郭儀作策賜公驃騎將
軍臨晉侯印綬兼號特進謚以文烈之命
異備而後即世肆其孤標敢儀古式昭銘
景烈

天鑿有漢誕生元輔世作三事勲在王府
乃及伊公克光前知悉心畢力循其祖武

化洽羣心澤漫綿宇帝曰文烈勝嘉君功
為邑河渭建茲封土申備九錫以祚其庸
位此特進於異羣公昔在申呂匡佐周宣
高山作頌大雅揚言今我文烈帝載用勲
參光日月功比四時身歿名存永世慕思

琅琊王傳蔡朗碑

君諱朗字仲明蓋倉頡之精胤姬稷之末
胄也昔叔度文王之昭建侯於蔡以國氏
焉迄於平襄周祚微缺王室遂卑齊晉交
爭強楚侵陵昭侯徙於州來公族分遷氏

家於園奕葉載德常歷官尹以建於茲君
雅操明允威厲不猛履孝悌之性懷文藝
之才包洞典籍刊摘沉秘知機達要通舍
神契既討三五之術又采二南之業以魯
詩教授生徒雲集莫不自遠並至栖遲不
易其志簞食曲肱不改其樂心棲清虛之
域行在玉石之間是以德行儒林智周當
世四岳稱名帝曰余聞元和元年徵拜博
士舒演奧秘贊理闕文所立卓爾度躡雲
蹤其選士也仰規枉錯進聖擢偉拯遺逸

於九臯揚明德於仄陋拔茅以彙幽帶用
濟加以清敏廣宰好是正直規誨之策日
陳王庭忠讜著烈令聞流行聖朝以蕃國
貴先帝遺軀或以繼絕襲位正於阿保未
洽雅訓驕盈僭差或蹈憲理非弘直碩儒
莫能匡弼蔡君審行修德進退可度遷河
間中尉琅琊王傅及從經行術之方示以
棊謀之威率禮莫違乃國用靖雖安國之
輔梁孝仲舒之相江都靡以加焉勲績既
盛帝簡其功將授上位遷亂宮賦壽不永

邁此疾凶年五十八永興六年夏卒

嗚呼哀哉凡百君子咨痛罔極殷懷神悼

流測如何昊天喪我師則爰勒斯銘

式昭其德天敏明詰於赫我君含弘光大
玄覽孔真潛樂教思韞玉衡門雲龍感應
養德三十珠藏外耀鶴鳴聞天若時徵庸
登祚王臣統彼前疑定此典文叅佐七德
俾相二蕃身沒稱顯永遺令軌表宰揚名
垂示後昆

劉鎮南碑

君諱表字景升山陽高平人也君膺期誕
生瑰偉大度黃中通理博物多識為郡功
曹千里稱平上計吏辟大將軍府遷北軍
中候在位十旬以賢能特選拜刺史莅州
永平元年十一月到官清風先駟莫不震
肅奸軌改節不仁引頸爾乃班愷悌流惠
和慕唐叔之野棠思王遵之驅印賦政造
次德化宣行俄而漢室大亂禍起蕭牆賊
臣專政豪雄席爭縣邑閭里奸宄烟蕪州
縣殘破天下土崩四海大壞當是時也雖

有孔翟之聖賢育賁之勇勢無所惜其智
力君遇險而建略遭難而發權招命英俊
援得驍雄謀臣武將合策明計出次北境
遷屯漢陰因滄浪以為隍曰春葉以為庸
南撫衡陽東綏淄沂西靖巫山保又四疆
選才任良式序賢能簡將命卒綦布星陳
備要塞之戍八方之邊勸穡務農以田以
漁徐粟紅腐年穀豐夥江河之中無劫刺
之寇沅湘之間無攘竊之民郡守令長冠
帶章服府寺亭鄉宗棟高門如皆舊當世

知名輻輳而至四方襁負自遠若歸窮山
幽谷於是爲邦百工集趣機巧萬端器械
變通判民無窮鄰邦懷慕交揚益州盡遣
驛使冠蓋相望下民有康哉之歌群后有
歸功之緒莫匪嘉績克厭帝心即遷拜牧
又遷安南將軍領如故於時諸州或失土
流播或沒害人民死喪百遺二三而君保
完萬里至於滄海聖朝欽亮析圭授土俾
疾成武遣御史中丞鍾繇即拜鎮南將軍
錫鼓吹大車策命褒崇謂之伯父置長史

司馬從事中郎開府辟召儀如三公將復
遣左中郎將祝耽援節以增威重并督交
揚二州委以東南惟君所裁雖周召授分
陝之任不遠過也交州殊遠王塗未夷夷
民歸附大小受命其郡縣長吏有缺皆來
請之君權爲選置以安荒裔輒別上聞齊
桓遷邢封衛之義也武功既亢廣開雍泮
設俎豆陳壘彘親行御射躋彼公堂篤志
好學吏子弟受祿之徒蓋以千計洪生巨
儒朝夕講誨閭閻如也雖洙泗之間學者

所集方之蔑如也深愍來學遠本離直乃
令諸儒改定五經章句刪刻浮辭芟除煩
重贊之者用曰少而探微知機者又求遺
書寫還新者留其本故於是古典畢集充
於州閭及延見武將文史教命溫雅禮接
優隆言不及軍旅之事辭不選官曹之文
上論三墳八索之典下陳世教忠義之方
內剛如秋霜外柔如春陽不伐其善不有
其庸如彼川流每往茲通可謂道理不才
命世希有者已年六十有七建安十三年

八月遘疾殞薨耕夫罷耜織女投杼老幼
哀號若喪父母時道路艱險留墳州土轉
移葬歸立墓父勉其子妻勉其夫欲共扶
送至於鄉里南鄉太守樂陽亭侯旻思等
言及志任州里者自各發卒具送靈柩之
資授徵拜五官中郎將乃共上歸本縣葬
見聽許太和二年葬於先塋於是臣故新
治休我以為申伯朝侯之翼周室受輅車
乘馬玄裘赤舄賜詩人詠功列於大雅至
今不朽况乎將軍收二川二紀功載王府

賜命優簡賴而生者毓子孕孫能不歌嘆
乃作頌曰

猗歟將軍膺期挺直桓桓其武溫溫其仁
初幹千里允顯伊臣幕府禮命集於此軍
督齊禁旅如罷如熊眷然南顧綏我荆衡
將軍征來民安物豐江湖交攘刑清國興
殺芾甘棠召伯聽訟周人勿剋我賴其報
欲報之德胡不億年如何殂遊孤弃萬民
鐫勒之石以紀洪勲昭示來世垂芳後昆

太傅安樂鄉文恭侯胡公碑

公諱廣字伯始南郡華容人也其先自媯
姓建國南土曰胡子春秋書焉列於諸侯
公其後也考以德行純懿官至交趾都尉
公寬裕仁愛覆載博博大研道知機窮理盡
性凡聖哲之遺教文武之未墜罔有不綜
年二十七察孝廉除郎中尚書侍郎左丞
尚書僕射命內正機衡允釐其職文敏暢
乎庶事密靜周乎樞機帝用嘉之遷濟陰
太守爾乃布愷悌宣柔嘉通神化道靈和
揚惠風以養真激清流以盪邪取忠肅於

不言黜奸宄於爪牙是以君子勤禮小人
知取朋林息於官曹刑戮廢於朝市餘貨
委於路衢餘種棲於畎畝遷汝南太守增
脩前業考績既明入作司農實掌金穀之
淵藪和鈞關石王府以充遂作司徒昭敷
五教進作太尉宣暢渾元人倫輯睦日月
重光遭國不造帝祚無主援立孝桓以紹
宗緒用首謀定策封安樂鄉侯戶邑之數
加於群公入錄機事聽納總已致位就第
復拜司空敷土導川俾順其性功遂身退

告疾固辭乃為特進爰以休息又拜太常
典司三禮敬恭禋祀神明嘉歆永世豐年
聿懷多福復拜太尉尋申前業又以特進
道遙致位又拜太常遭疾不夷遜位歸爵
遷於舊都徵拜大中大夫延和末年聖主
革正幸臣誅薨引公為尚書令以二千石
居官以閭外之事釐改度量以新國家
弘綱既整衣闕以補乃拜太僕車正馬閑
六駟習訓遷太常司徒成宗晏駕推建聖
嗣復封故邑與參機密寢疾告退復拜太

傳錄尚書事春秋高矣繼親在堂朝夕定
省不違子道旁無几杖言不稱老居喪致
哀率禮不迨其接下答賓雖幼賤降等禮
從謙尊而彌恭勞思萬機身勤心苦雖老
萊子嬰兒其服方叔克壯其猷公旦納於
台屋正考父俯而循禮曷以尚茲夫蒸蒸
至孝德本也體和履忠行極也博文周覽
上通勤勞王家茂功也用能十登三事篤
受介祉亮皇世於六王嘉無績於九有窮
生人之光寵享黃耇之遐紀蹈明德以保

身與福祿乎終始年八十有二建寧五年
春壬戌薨於位天子悼痛贈策遂誄謚曰
文恭如前傳之儀而有加焉禮也故吏司
徒許詡等相與欽慕崧高蒸民之作取言
時計功之則論集行跡銘諸琬琰其詞曰
伊漢元輔時惟文恭聰明叡哲思心平容
畢力天機高休其庸賦政於外有邈其蹤
進作卿士粵登上公百揆時序五典克從
萬邦黎獻且唯時雍勲烈既建爵土乃封
七被三事再作特進弘惟幼冲作傳以訓

赫赫猗公邦家之鎮澤被華夏遺愛不泯
日興月與齊光茲運存榮亡顯沒而不泯

光武濟陽宮碑

惟漢再受命曰世祖光武皇帝考南頓君
初生濟陽令有武帝行過宮常封閉帝將
生考以令舍下濕開空後殿居之建平元
年十二月甲子夜帝生時赤光室中有明
使卜者王長卜之長曰此善事不可言歲
月嘉禾一莖生九穗長於凡禾因為尊諱
王室中徵哀平短祚姦臣王莽媮有神器

十有八年罪成惡熟天人致誅帝乃龍見
泉淵躍滄上破前隊之衆彌二公之師收
兵略地經營河朔戮力戎功翼戴更始又不
即命帝位闕焉於是羣公諸將據河洛
之文叶符瑞之珍僉曰歷數在帝踐祚允
宜乃以建武元年六月己未即位鄗孫之
陽九域之陌祀漢配天不失舊物享國三
十有六年方內又安蠻夷率服巡狩太山
禪梁父皇代之遐軌帝者之上儀罔不畢
舉道德餘慶延於無窮先民有言樂樂其

所自生而禮不忘其本是以虞稱媯汭姬
美周原皇天乃審實始於此其路蘇哉所
謂神麗顯融越不可尚小臣河南尹鞏瑞
先祖銀艾封侯歷世卿尹受漢厚恩瑋以
商其餘烈郡舉孝廉太官承之來在濟陽
願見神宮追思桑梓褒述之義用敢作頌
赫矣天光爰耀其輝篤生聖皇二漢之微
稽度乾則誕有靈安黃孽定熄群凶於夷
匡復帝載萬方以綏巡於四岳展義有方
登封隆禪升中於天爰茲初基天命孔彰

子子孫孫保之無疆

陳留太守胡公碑

君諱碩字秀叡交趾都尉之孫太傅安鄉
侯少子也其先與楚同姓別封於胡以國
為氏臻乎漢奕世載德不替舊勳君幼有
嘉表克岐克嶷不見異物習與性成孝於
二親養色寧意蒸蒸雍雍雖曾閔顏萊無
以尚也總角入學治孟氏易歐陽尚書韓
詩博綜古文周覽篇籍言語造次必以經
綸加之行己忠儉事施順恕公體所安為

衆共之驕怪不萌於內喜愠不形於外可謂無競伊人溫恭淑慎者也初以公在司徒除郎中肅衛十年以叔父憂疾自免州郡交辟皆不就後以大將軍事免官舉賢良方正不詣公車建寧元年召拜議郎還納忠盡規匪懈於位遷侍中虎賁中郎將是年遭疾屢上印綬詔書聽許以侍中養疾七月被尚書召不任應命詔使謁者劉惔賫印綬即拜陳留太守君聞使者至加朝服拖紳使者致詔君以手自繫陳辭謝

恩其明二十一日遣生奉章食後報還與相丞答意氣精了是日疾遂大漸略漏未久奄忽而卒時年四十一天子憫悼使者王謙詔具送葬以中牢具祠賜錢五萬布百疋贈穀三千斛同位畢至赴吊雲集生榮未容沒有餘哀於是遐邇搢紳爰暨門人相與嘆述君德追痛不永但切情僚無不寘懷行由已作名自人成先民既邁頽茲頌聲嗟我明哲如何勿銘乃作辭曰猗歟懿德令問有彰祇服其訓克構克堂

孝思唯則文藝丕光敦厚忠恕衆悅其良
綏弱以仁不云我強爰其登朝進退以方
見機而作如鴻之翔乃位常伯恪處左右
兼掌虎賁禁戎允理邁茲虐痾帝用悼止
俾守陳留庶篤其社王人既詔景命不俟
嗚呼昊天殲我英士如可贖也命不自己
哀哉永傷萬年是紀

陳留太守胡公碑

君諱碩字秀叡交趾都尉之孫太傅安鄉
侯之子也順帝時為郎中桓帝時遭叔父

憂以疾自免荊州將軍比辟輒辭疾後以
高等拜侍御史遷諫議大夫舉賢良方正
病不詣公車建寧元年七月拜陳留太守
病加不任應召詔使謁者劉惔即授印綬
二十一日卒詔遣使者王謙以中牢具祠
特賜錢五萬布百疋贈穀三千斛儔類赴
送遠近鱗集於是陳留主簿高吉蔡軫等
咸以郡選充備宮屬來迎者三十四人奔
驚跋涉承奉清化逢天之戚不獲延祚痛
心絕望切怛永慕乃相與哀經庭位號咷

靈柩將窆誕自申勅脩儀
服寮御部引各執其職路人感愴觀者嘆
息蓋三綱之序與身並育以舊奉新
篤嗟我行人敢不自勗遂樹碑作銘以
表令德於藐下國瞻仰後又欽見我君
爰綏我惠式昭績思勞其顛昊天不吊
景命顛墜悠悠蒸藜惆悵喪氣此雖未宣
問之遺愛祈祈我君習習冠蓋修誠以迓
曾不東邁靈魂徘徊靡所瞻逮惟其傷矣
曾肝摧碎勒銘告哀傳於萬代

金石文後語

予與諸哲昆訪長谷徐子徐子出金石文
相示其所取錄類附以明旨讀之有要領
蓋自六經之後文之萃其美未有如此錄
者也因請而刻焉徐子譔著甚多其實愛
此集未嘗捨去信乎從先進之意非苟然
者也

嘉靖庚子中秋日華亭朱警識



諸般藥子中每日華亭米藥

香也

夫此藥本醫治法司平與法也之藥非能治

也故也因諸而後國命于諸故其以人其藥

是百六點六藥

由亦其而須

字其

金匱



